



新修
增补
大藏经

图书在版编目(CIP)数据

新修增补大藏经/《新修增补大藏经》编委会编.
—北京:中国民艺出版社, 2005.7
ISBN 7-8862-1016-6
I. 新… II. 新… III. 大藏经-佛经
IV. B941

新修增补大藏经·本缘部

作 者:《新修增补大藏经》编委会
排版设计:太平盛世(北京)科技有限公司

出版发行:中国民艺出版社
社 址:北京市中关村 123 号
邮政编码:100086

印 刷:北京通成印刷厂
开 本:880×1230mm 1/32
总 印 张:428 字数:4 000 千字
版 次:2005 年 7 月第一版
2005 年 7 月第一次印刷
印 数:1-500 册
书 号:ISBN 7-8862-1016-6/D.221
总 定 价:12142.00 本册定价:26.00

《新修增补大藏经》

编委会

主编：释成功 副主编：卢炳瑞 周梦兴 李书娜 编委：丁问

道子 有涛 罗文


高大威 陈秀玲 杨明仁

周天华 李芹 胡枚

邹家文 谢大军 谢光平



佛说法变相图



目录

法句譬喻经(下).....	1
---------------	---

◎法句譬喻经卷第三(下).....	1
道行品第二十八.....	1
地狱品第三十.....	3
爱欲品第三十二.....	9

广衍品第二十九.....	2
--------------	---

象品第三十一.....	6
-------------	---

◎法句譬喻经卷第四.....	11
喻爱欲品第三十二之二.....	11
利养品第三十三.....	15
沙门品第三十四.....	16
梵志品第三十五.....	18
泥洹品第三十六.....	19
出曜经(上)	29

生死品第三十七.....	20
--------------	----

道利品第三十八.....	22
--------------	----

吉祥品第三十九.....	27
--------------	----

◎出曜经序.....	29
◎出曜经卷第一.....	30
无常品第一之一.....	30
◎出曜经卷第二.....	43
无常品第一之二.....	43
◎出曜经卷第三.....	56
无常品第一下.....	56
◎出曜经卷第四.....	69
欲品第二.....	69
I	
◎出曜经卷第五.....	83
爱品第三.....	83
无放逸品第四上.....	93
◎出曜经卷第六.....	97
无放逸品第四下.....	97
放逸品第五之初.....	104
◎出曜经卷第七.....	110
放逸品之二.....	110
◎出曜经卷第八.....	122
念品第六.....	122
◎出曜经卷第九.....	134
戒品第七.....	134
◎九出曜经卷第十.....	147

学品第八.....	147
诽谤品第九.....	155
◎十出曜经卷第十一.....	160
诽谤品第九之余.....	160
行品第十.....	165
◎出曜经卷第十二.....	175
信品第十一.....	175
◎出曜经卷第十三.....	188
沙门品第十二.....	188
道品第十三.....	196
◎出曜经卷第十四.....	201
道品之二.....	201
利养品第十四.....	209
◎出曜经卷第十五.....	212
利养品下.....	212
◎出曜经卷第十六.....	223
忿怒品第十五.....	223
◎出曜经卷第十七.....	235
惟念品第十六.....	235
杂品第十七.....	244

法句譬喻经(下)

晋世沙门法炬共法立译

◎ 法句譬喻经卷第三(下)

道行品第二十八

昔有婆罗门。年少出家学道。至年六十不能得道。婆罗门法六十不得道。然后归家娶妇为居。生得一男端正可爱。至年七岁书学聪了。才辩出口有踰人之操。卒得重病一宿命终。梵志怜惜不能自胜。伏其尸上气绝复苏。亲族谏喻强夺殓殓埋着城外。梵志自念。我今啼哭计无所益。不如往至阎罗王所乞索儿命。于是梵志沐浴斋戒。赍持华香发舍而去。所在问人阎罗王所治处在何许。展转前行行数千里。至深山中见诸得道梵志。复问如前。诸梵志问曰。卿问阎罗王所治处欲求何等。答言我有一子。辩慧过人。近日卒亡。悲穷懊恼不能自解。欲至阎罗王所乞索儿命还将归家养以备老。诸梵志等愍其愚痴。即告之曰。阎罗王所治处。非是生人可得到也。当视卿方宜。从此西行四百余里有大川其中有城。此是诸天神案行世间停宿之城。阎罗王常以月八日案行必过此城。卿持斋戒往必见之。梵志欢喜奉教而去。到其川中见好城郭。宫殿屋宇如忉利天梵志诣门烧香翘脚咒愿求见阎罗王。王敕门人问之。梵志启言。晚生一男欲以备老。养育七岁近日命终。唯愿大王垂恩布施还我儿命。阎罗王言大善。卿儿今在东园中戏自往将去。梵志即往见儿与诸小儿共戏。即前抱之向之啼泣曰。我昼夜念汝食寐不甘。汝宁念父母辛苦以不。小儿惊唤逆呵之曰。痴騃老翁不达道理。寄住须臾名之为子。勿妄多言不如早去。今我此间自有父母。邂逅之间唐自抱乎。梵志怅然悲泣而去。即自念言。我闻瞿昙沙门知人魂神变化之道。当往问之。于是梵志即还求至佛所。时佛在舍卫祇洹为大众说法。梵志见佛稽首作礼。具以本末向佛陈之。实是我儿不肯见认。反谓我为痴騃。老翁寄住须臾认我为子。永无父子之情何缘乃尔。佛告梵志汝实愚痴。人死神去便更受形。父母妻子因缘会居。譬如寄客起则离散。愚迷缚着计为己有。忧悲苦恼不识根本。沉溺生死未央休息。唯有慧者不贪恩爱。觉苦舍习勤修经戒。灭除识想生死得尽。于是世尊即说偈言

人荣妻子不观病法死命卒至如水湍骤父子不救余亲何望命尽怙亲如盲守锭慧解是意可修经戒伪行度世一切除苦远离诸渊如风却云已灭思想是为知见智为世长愴乐无为如受正教生死得尽梵志闻偈火霍然意解。

知命无常妻子如客。稽首委质愿为沙

门。佛言善哉。须发自落法衣在身。即成比丘。思惟偈义灭爱断想。即于座上得阿罗汉道

广衍品第二十九

昔佛在舍卫国说法教化。天龙鬼神帝王人民三时往听。彼时国王名波斯匿。为人懦弱放恣情欲。

目惑于色。耳乱于声。• 2 •

鼻着馨香。口恣五味。身受细滑。食饮极美初无厌足。食遂进多恒苦饥虚。厨膳不废以食为常。身体肥盛乘輿不胜卧起呼吸但苦短气。气闭息绝经时惊觉。坐卧呻吟恒苦身重。不能转侧以身为患。便敕严驾往到佛所。侍者扶持问讯。却坐叉手。白佛言。世尊。违远侍觐咨受无阶。不知何罪身为自肥。不能自觉何故使尔。每自患之。是以违替不数礼觐。佛告大王。人有五事令人常肥。一者数食。二者喜眠。三者懦弱。四者无愁。五者无事。是为五事喜令人肥。若欲不肥减食粗燥然后乃瘦。于是世尊即说偈言

人当有念意每食知自少

从是痛用薄节消而保寿

王闻此偈欢喜无量。即呼厨士而告之曰。受诵此偈若下食时先为我说然后下食。王辞还宫厨士下食辄便说偈。王闻偈喜日减一匙。食转减少遂以身轻即瘦如前。自见如此欢欣念佛。即起步行往到佛所为佛作礼。佛命令坐而问王曰。车马人从为所在也何缘步行。王喜白佛。前得佛教奉行如法。今者身轻世尊之力。是以步来知为何如。佛告大王。世人如此不知无常。长身情欲不念为福。人死神去留身坟塋。智者养神愚者养身。若能解此奉修圣教。于是世尊重说偈言

人之无闻	老如特牛	但长肌肥
无有智能	生死无聊	往来艰难
意倚贪身	更苦无端	慧人见苦
是以弃身	灭意断欲	爱尽无生

王重闻偈欣然意解。即发无上正真道意。听者无数皆得法

眼

地狱品第三十

昔舍卫国有婆罗门师。名富兰迦叶。与五百弟子相随。国• 3 •

王人民先共奉事。佛初得道与诸弟子从罗阅只至舍卫国。身相显赫道教弘美。国王中宫率土人民莫不奉敬。于是富兰迦叶起嫉妒意。欲毁世尊独望敬事。即将弟子见波斯匿王而自陈曰。吾等长老先学国之旧师。沙门瞿昙后出求道。实无神圣自称为佛。而王舍我欲专奉之。今欲与佛掬试道德。知谁为胜。胜者王便终身奉之。王言大善。王即严驾往到佛所。礼毕白言。富兰迦叶欲与世尊掬尽道力现神变化。不审世尊为可尔不。佛言大佳。结期七日当掬变化。王于城东平广好地立二高座。高四十丈七宝庄校。施設

幢幡整顿座席。二座中间相去二里。二部弟子各坐其下。国王群臣大众云集。欲观二人掬其神化。于时迦叶与诸弟子先到座所登梯而上。有鬼神王名曰殷师。见迦叶等虚妄嫉妒。即起大风吹其高座。坐具颠倒幢幡飞扬。雨沙砾石眼不得视。世尊高座淡然不动。佛与大众庠序而来。方向高座忽然已上。众僧一切寂然次坐。王及群臣加敬稽首白佛言。愿垂神化厌伏邪见。并令国人明信正真。于是世尊即于座上火霍然不现。即升虚空奋大光明。东没西现四方亦尔。身出水火上下交易。坐卧空中十二变化。没身不现还在座上。天龙鬼神华香供养。赞善之声震动天地。富兰迦叶自知无道。低头惭愧不敢举目。于是金刚力士举金刚杵。杵头火出以拟迦叶。何以不现卿变化乎。迦叶惶怖投座而走。五百弟子奔波迸散。世尊威颜容无欣戚。还到祇树给孤独园国王群臣欢喜辞退。于是富兰迦叶与诸弟子受辱而去。去至道中逢一老优婆夷。字摩尼。逆骂之曰。卿等群愚不自忖度。而欲与佛比掬道德。狂愚欺诳不知羞耻。亦可不须持此面目行于世间也。富兰迦叶羞诸弟子至江水边。诳诸弟子我今投水必生梵天。若我不还则知彼乐。诸弟子待之不还。自共议言。师必上天我何宜住。一一投水冀当随师。不知罪牵皆堕地狱。后日国王闻其如此。甚惊怪之往到佛所。白佛言。富兰迦叶师徒迷愚何缘乃尔。佛告王曰。富兰迦叶师徒重罪有二。一者三毒炽盛自称得道。二者谤毁如来欲望敬事。以此二罪应堕地狱。殃咎催逼使其投河。身死神去受苦无量。是以智者守摄其心。内不兴恶外罪不至。譬如边城与寇连接。守备牢固无所畏惧。内人安隐外寇不入。智者自护亦复如是。于是世尊即说偈言

妄证求赂行已不正
怨潜良人以枉治世
罪牵斯人自投于坑
如备边城中外牢固
自守其心非法不生
行缺致忧令堕地狱

佛说偈已重告王曰。乃往昔时有二猕猴王。各主五百猕猴。一王起嫉妒意欲杀一王。规图独治便往共斗。数数不如羞惭退去。到大海边海曲之中。有水聚沫风吹积聚高数百丈。猕猴王愚痴谓是雪山。语群辈言。久闻海中有雪山其中快乐甘果恣口。今日乃见。吾当先往行视。若审乐者不能复还。若不乐者当来语汝。于是上树尽力跳腾。投聚沫中溺没海底。余者怪之不出。谓必大乐。一一投中断群溺死。佛告王曰。尔时嫉妒猕猴王者。今富兰迦叶是也。群辈者今富兰迦叶弟子五百人是也。彼一猕猴王者。我身是也。富兰迦叶前世坐怀嫉妒。为罪所牵自投聚沫绝群断种。今复诽谤尽投江河。罪对使然累劫无限。王闻信解作礼而去

昔有七比丘入山学道。十二年中不能得道。自共议言学道甚难。毁形

执节不避寒苦。终身乞食受辱难堪。道卒叵得罪难可除。唐自劳勤殒命山中。不如归家修立门户娶妻养子。广为利业快心乐意安知后事。于是七人即起出山。佛遥知之应当得度。不忍小苦终堕地狱甚可怜伤。佛即化作沙门往到谷口。逢七比丘。化人问曰。久承学道何以来出。七人答言。学道勤苦罪根难拔。分卫乞食受辱难堪。又此山中无供养者。璚璚积年恒守俭约。唐自困苦道不可得。且欲还家广求利业。大作资财后老求道。化沙门言。且止且止。听我所言。人命无常且不保夕学道虽难前苦后乐。居家艰难亿劫无息妻息会止愿同安利。欲望永乐不遭患难。是犹治病服毒有增无损也。三界有形皆有忧恼。唯有信戒无放逸意。精进得道众苦永毕。于是化沙门现佛身相。光像巍巍即说偈言

学难舍罪难	居在家亦难
会止同利难	艰难无过有
比丘乞求难	何可不自勉
精进得自然	终无欲于人
有信则戒成	从戒多致宝
亦从得谐偶	在所见供养
一坐一处卧	一行不放恣
守一以正心	心乐居树间

于是七比丘见佛身相。又闻此偈惭怖战栗。五体投地稽首佛足。摄心悔过作礼而去。还入山中殒命精进。思维偈义。守一正心闲居寂灭得罗汉道

象品第三十一

昔者罗云未得道时。心性粗犷言少诚信。佛敕罗云汝到贤提精舍中住。守口摄意勤修经戒。罗云奉教作礼而去。住九十日惭愧自悔昼夜不息。佛往见之。罗云欢喜趣前礼佛。安施绳床摄受震越。佛踞绳床告罗云曰澡盘取水为吾洗足。罗云受教为佛洗足洗足已讫。佛语罗云。汝见澡盘中洗足水不。罗云白佛。唯然见之佛语罗云。此水可用食饮盥漱以不。罗云白言。不可复用。所以者何。此水本实清静。今以洗足受于尘垢。是以之故不可复用。佛语罗云汝亦如是。虽为吾子国王之孙舍世荣禄得为沙门。不念精进摄身守口。三毒垢秽充满胸怀。亦如此水不可复用。佛语罗云。弃澡盘中水。罗云即弃。佛语罗云。澡盘虽空可用盛饮食不耶。白佛言。不可用。所以然者。用有澡盘之名曾受不净故佛语罗云。汝亦如是。虽为沙门口无诚信。心性刚强不念精进。曾受恶名亦如澡盘不中盛食。佛以足指拨却澡盘澡盘应时轮转而走。自跳自堕数返乃止。佛语罗云。汝宁惜澡盘恐破不。

罗云白佛。洗足之器贱价之物。意中虽惜不大殷勤。佛语罗云。汝亦如是。虽为沙门不摄身口粗言恶说多所中伤。众所不爱智者不惜。身死神去轮转三涂。自生自死苦恼无量。诸佛贤圣所不爱惜。亦如汝言不惜澡盘罗云闻之惭愧怖悸。佛告罗云听我说喻。昔有国王有一大象。猛黠能战。计其力势胜五百小象。其王兴军欲伐逆国。被象铁铠象士御之。以双予戟系象两牙。复以二剑系着两耳。以曲刃刀系象四脚。复以铁挝系着象尾。被象九兵皆使严利。象虽藏鼻护不用斗。象士欢喜知象护身命。所以者何。象鼻软脆。中箭即死。是以不出鼻斗耳。象斗殊久出鼻求剑。象士不与。念此猛象不惜身命。出鼻求剑欲着鼻头。王及群臣惜此大象。不复使斗。佛告罗云。人犯九恶。唯当护口。如此大象护鼻不斗。所以然者。畏中箭死。人亦如是所以护口当畏三涂地狱苦痛。十恶尽犯不护口者。如此大象丧身命不计中箭出鼻斗耳。人亦如是十恶尽犯。不惟三涂毒痛辛苦。若行十善摄口身意。众恶不犯。便可得道长离三涂。无生死患。于是世尊即说偈言

我如象斗	不恐中箭	常以诚信
度无戒人	譬象调伏	可中王乘
调为尊人	乃受诚信	

罗云闻佛恩侧之悔。感激自励克骨不忘。精进和柔

怀忍如地。识想寂静得罗汉道昔佛在舍卫国祇树精舍。

为四部弟子天龙鬼神帝王臣民敷

演大法。时有长者居士。名曰呵提昙。来诣佛所。为佛作礼。却坐一面叉手长跪。白世尊曰。久承洪化钦仰奉颜。遁私不获愿垂慈恕。世尊令坐即问所从来姓字为何。长跪答曰。本居士种。字呵提昙。乃先王时为王调象。佛问居士调象之法有几事乎。答曰。常以三事用调大象。何谓为三。一者则钩钩口着其羸鞮。二者减食常令饥瘦。三者捶杖加其楚痛。以此三事乃得调良。又问施此三事何所摄治也。曰铁钩钩口以制强。口不与食饥以制身犷。如捶杖者。以伏其心正尔便调。曰作此伏者。为何所施用。答曰。如是伏已可中王乘亦可令斗。随意前却无有挂碍。又问居士正有此法复有其异。答曰。调象之法正如此耳。佛告居士。但能调象复能自调。即曰不审自调其义云何。唯愿世尊彰演未闻。佛告居士。吾亦有三事。用调一切人。亦以自调得至无为。一者至诚制御口业。二以慈贞伏身刚强。三以智能灭意痴盖。持是三事度脱一切。离三恶道自致无为。不遭生死忧悲苦恼。于是世尊即说偈言

如象名护财	猛兽难禁制
系鞮不与食	而犹慕逸象
本意为纯行	及常行所安

悉舍降结使	如钩制象调	
乐道不放逸	能常自护心	
是为拔身苦	如象出于陷	
虽为常调	如彼新驰	亦最善象
不如自调	彼不能适	人所不至
唯自调者	能到调方	

居士闻偈喜庆难量。内情解释即得法眼。听者无数皆得道

运

爱欲品第三十二

昔佛在罗阅只国耆闍崛山精舍之中。为天人龙鬼转大法轮。时有一人舍家妻子来至佛所。为佛作礼求为沙门。佛即受之令作沙门。命令树下坐思惟道德。比丘受教便入深山。去精舍百余里。独坐树间思道三年。心不坚固意欲退还。自念舍家求道勤苦不如早归见我妻子。作此念已便起出山。佛以圣达见此比丘。应当得道愚故还归。佛以神足化作沙门。便往逆之道路相见。化人即问所从来也。此地平坦可共坐语。于是二人便坐息语。即答化人吾舍家妻子求作沙门处此深山不能得道。与妻子别不如本愿。唐丧我命劳而无获。今欲悔还见我妻子。快相娱乐后更作计。须臾之间有老猕猴。久已远离树木之间。在无树之处于中生活。化沙门问此比丘。是猕猴何故独在平地。无有树木云何乐此。比丘答化人言。我久见此猕猴以二事故来住此耳。何等为二。一以妻子眷属群多不得饮食快乐恣口。二常昼夜上下树木脚底穿坏不得宁息。以此二事故舍树木来住是间。二人语顷复见猕猴走还上树。化沙门语比丘言。汝见猕猴还趣树木不也。答曰。见之此虫愚痴得离树木。群从愤闹不厌劳烦而还入中。化人复言。卿亦如是。与此猕猴复何异矣。卿本以二事故来入此山中何等为二。一以妻妇舍宅为牢狱故。二以儿子眷属为桎梏。故卿以是故来索求道断生死苦。方欲归家还着桎梏。入牢狱中恩爱恋慕径趣地狱。化沙门即现相好丈六金色光明。普照感动一山。飞鸟走兽寻光而来。皆识宿命心内悔过。贪意为常流

于是世尊即说偈言

如树根深固	虽截犹复生
爱意不尽除	辄当还受苦
猕猴如离树	得脱复趣树
众人亦如是	出狱复入狱

• 9 •

习与憍慢并 思想猗淫欲

自覆无所见一切意流衍

爱结如葛藤唯慧分别见

能断意根源夫从爱润泽

思想为滋蔓爱欲深无底

老死是用僧

比丘见佛光相炳着。又闻偈言悚然战栗。五体投地忏悔谢过。内自改责即便却息数。随止观在于佛前逮得应真。诸天来听闻皆欢喜。散华供养称善无量。

昔罗阅只南四千里有国。奉事梵志数千人。时国大旱三年不雨。祷祠诸神无所不遍。王问梵志问其所由。诸梵志言。吾等当斋戒论竟。当遣人与梵天相询问其灾异。王言大善。斋戒所还愿见告示。诸梵志言。当得二十车薪酥蜜膏油华香幡盖金银祭器尽用须之。王即办送。出至城外。去城七里平广之地积薪如山。共相推举其有不惜身者往梵天。遂得七人。当就火烧遣至梵天。七人受祭咒愿讫。踞便上薪。从下放火当烧杀之。烟焰炯然热气直至。七人惶惧左右求救无有救者。举声曰。三界之中宁有大慈愍念我厄者。愿受自归。佛遥知之寻声往救。在虚空中显现相好。七人见佛。悲喜跳踊。唯愿自归救我痛热。于是世尊即说偈言。

或多自归	山川树神	厝立图像
祷祠求福	自归如是	非吉非上
彼不能来	度汝众苦	如有自归
佛法僧众	道德四谛	必见正慧
生死极苦	从谛得度	度世八难
斯除众苦	自归三尊	最吉最上
唯独有是	度一切苦	

佛说渴烧火声号灭。七人获安心喜无量。梵志国人莫不惊悚仰瞻。世尊光相赫奕分身散体。东没西现存亡自由。身出水火五色晃昱。众人见之五体归命。于是七人从薪下出。悲喜交。

集而说偈言

见圣人快	得依附快	得离愚人
为善独快	守正见快	互说法快
与世无诤	戒具常快	使贤居快
如亲亲会	近仁智者	多闻高远

于是七人说此偈已。及诸梵志愿为弟子。佛即受之。皆为沙门得罗汉道。国王臣民咸各修道。天旱大雨国丰民宁。道化兴隆莫不乐闻。

◎ 法句譬喻经卷第四

喻爱敬品第三十二之二

昔佛在舍卫国为天人说法时城中有婆罗门长者。财富无数为人悭贪不好布施。食常闭门不喜人客。若其食时辄敕门士坚闭门户。勿令有人妄入门里。乞丐求索沙门梵志不能得与其相见。尔时长者欸思美食。便敕其妻令作饭食。教杀肥鸡姜椒和调炙之令熟饮食订饷即时已办敕外闭门夫妇二人坐。一小儿着聚中央便共饮食。父母取鸡肉着儿口中。如是数过初不肯废。佛知此长者宿福应度。化作沙门伺其坐食现出坐前。咒愿且言。多少布施可得大富。长者举头见化沙门即骂之曰。汝为道士而无羞耻。室家坐食何为唐突。沙门答曰卿自愚痴不知惭羞。今我乞士何为惭羞。长者问曰。吾及室家自相娱乐何故惭羞。沙门答曰。卿杀父妻母供养怨家不知惭羞。反谓乞士何不惭羞。于是沙门即说偈言

所生枝不绝	但用食贪欲
养怨益丘冢	愚人常汲汲
虽狱有钩鐻	慧人不谓牢
愚见妻子饰	染着爱甚牢
慧说爱为狱	深固难得出
是故当断弃	不亲欲为安

长者闻偈惊而问之。道人何故而说此语也。道人答曰。案上鸡者是卿先世时父。以悭贪故常生鸡中为卿所食。此小儿者往昔作罗刹。卿作贾客。大人乘船入海。每辄流堕罗刹国中。为罗刹所食。如是五百世寿尽来生为卿作子。以卿余罪未毕故来欲相害耳。今是喜者是卿先世时母。以恩爱深固故今还与卿作妇。今卿愚痴不识宿命。杀父养怨以母为喜。五道生死轮转无际。周旋五道谁能知者。唯有道士见此睹彼。愚者不知岂不惭羞。于是长者慙然毛竖如鬼怖状。佛现威神令识宿命。长者见佛即识宿命。寻则忏悔谢佛便受五戒。佛为说法即得。须陀洹道

昔佛在舍卫国。祇洹说法。时有年少比丘入城分卫。见一年少女人端正无比。心存色欲迷结不解。遂便成病食饮不下。颜色憔悴委卧不起。同学道人往问讯之何所患苦。年少比丘具说其意。欲怀道心从彼爱敬愿不如意愁结为病。同学谏喻不入其耳。便强扶持将至佛所。具以事状启白世尊。佛告年少比丘。汝恶易得耳不足愁结也。吾当为汝方便解之且起食饮。比丘闻之坦然意喜气结便通。于是世尊将此比丘并与大众。入舍卫城到好女舍好女已死停尸三日。室家悲号不忍埋藏身体臭胀不净流出。佛告比丘。汝所贪惑好女人者今已如此。万物无常变在呼吸。愚者观外不见其恶。缠绵罪网以为快乐。于是世尊即说偈

言

见色心迷惑不惟观无常
愚以为美善 安知其非真
以淫乐自裹 譬如蚕作茧
智者能断弃 不眛除众苦
心念放逸者 见淫以为净
恩爱意盛增 从是造牢狱
觉意灭淫者 常念欲不净
从是出邪狱 能断老死患

于是年少比丘见此女人。死已三日面色臃烂其臭难近。又闻世尊清悔之偈。依然意悟自知迷谬。为佛作礼叩头悔过。佛授自归将还祇洹。没命精进得罗汉道。所得大众无央数人。见色欲之移信无常之证。贪爱望止亦得道迹。

昔佛在舍卫精舍为天人龙鬼说法。时世有大长者。财富无数有一息男年十二三。父母命养其儿年小未知生活理家之事。泮散财物数年便尽久后行乞由不自供其父有亲友长者大富无数。一日见之问其委曲。长者愍念将归经记。以女配之给与奴婢车马。资财无数更作屋宅成立门户。为人懒惰无有针梭不能生活。坐散财尽日更饥困。长者以其女故更与资财救复的前送至贫乏。长者数施用之无道。念巨成就。欲夺其女更嫁与人宗家共议。女窃闻之还语其夫。我家群强势能夺卿。以卿不能生活故。卿当云何欲作何计也。其夫闻妇言惭愧自念。是吾薄福生失覆盖不习家计生活之法。今当失妇乞丐如故。恩爱已行贪欲情着。今当生别情岂可胜。思惟反复便兴恶念。将妇入房今欲与汝共死一处。即便刺妇还自刺害夫妇俱死。奴婢惊走往告长者。长者大小惊来看视见其已然。棺殓遣送如国常法长者大小忧愁念女不去。须臾闻佛在世教化说法。见者欢喜忘忧除患。将家大小往到佛所。为佛作礼却坐一面。佛问长者为何所从来。何以不乐忧愁之色。长者白言。居门不德前嫁一女。值遇愚夫不能生活。欲夺其女便杀妇及身共死。如此遣送遂还过瞿世尊。

佛告长者。贪欲嗔害世之常病。愚痴无智患害之门。三界五道由此堕溺。展转生死无央数劫。受苦万端由尚不悔。岂况恶人能得识。此贪欲之毒灭身灭族。害及众生何况夫妇。于是世尊

即说偈言

愚以贪自缚 不求度彼岸
贪为财爱故 害人亦自害
爱欲意为田 淫怒痴为种
故施度世者 得福无有量
伴少而货多 商人怵惕惧

嗜欲贼害命 故慧不贪欲

尔时长者闻佛说偈。欣然欢喜忘忧除患。即于座上一切大小及诸听者。
破二十亿惑。得须陀洹道

昔佛在舍卫精舍中。为天龙鬼神帝王臣民说法。时有游荡子二人共为亲友。
常相追随一体无异。二人共议欲作沙门。即便相将来至佛所。为佛作礼长跪叉
手。白佛言。愿欲作沙门唯见听许。佛便受之即作沙门。佛令二人共止一房。
二人共止但念世尚恩爱荣乐。更共咨嗟惜欲形体。视其淫媚专着不舍念不止息。
不净无常污露不净。以此郁佛病生于内。佛以慧眼知其想乱走意。于欲放心不
住以是不度。佛令一人行便自化作一人入房。问之言。吾等所思意志不离可共
往观视其形体知为何如。但空想念疲劳无益。二人相随至淫女村。佛于村内化
作一淫女人。共入其舍而告之曰。吾等道人受佛禁戒不犯身事。意欲观女人形
容当顾直的法于是化女即解璎珞香熏衣裳裸形而立臭处难近。二人观之具见污
露。化沙门即谓一人言。女人之好但有脂粉芬重众华沐浴涂香。着众杂色衣裳
以覆污露。强熏以香欲以人观。譬如羊囊盛屎有何可食。于是化比丘即说偈言

欲我知汝本意以思想生

我不思想汝则汝而不有

心可则为欲	何必独五欲
速可绝五欲	是乃为勇力
无欲无所畏	恬憺无忧患
欲除使结解	是为长出渊

佛说偈已现其光相。比丘见之惭愧悔过。五体投地为佛作礼。重为说法。
欣然得解便得罗汉。一人行还见伴颜姿欣悦于常。即向其伴独何如斯。即如
事说佛之大慈愍度如此。蒙世尊恩得免众苦。于是比丘重为说偈言

昼夜念嗜欲意走不舍休

见女欲污露想灭则无忧

其伴比丘闻此偈已便自思惟。断欲灭想即得法眼

利养品第三十三

昔佛将诸弟子。至俱舍弥国美音精舍为诸天天神龙说法。时彼国王名
曰优填。有大夫人执行仁爱显誉清洁。王珍其操每私恭敬。闻佛来化严驾
共出。往至佛所为佛作礼却坐常位。佛为国王及夫人婣女说无常苦空。人
所由生合会别离怨憎会苦。由福生天由恶入渊。国王夫人欢欣信解。各受
五戒为清信士女。礼佛辞退还入宫中。时有婆罗门。名曰吉星。生一好女
世间少比。至年十六无能诃者。悬金千两积九十日。募索智者有能诃此女
为不端正者。以金与之无敢应者。女以长大应当嫁处念当与谁。若有端正